

摘藻堂四庫全書薈要

集部

欽定四庫全書蒼要卷一萬七千六百六十九

集部

御定全唐詩卷二百六十四

顧况

顧况字逋翁海鹽人肅宗至德進士長於歌詩性好恢
諧嘗為韓滉節度判官與柳渾李泌善渾輔政以校書
徵泌為相稍遷著作郎悒悒不樂求歸坐詩語調謔貶
饒州司戶參軍後隱茅山以壽終集二十卷今編詩四
卷

琴歌

琴調秋些胡風遠雪峽泉聲咽佳人愁些

上古之什補亡訓傳十三章

上古一章

上古愍農也

遐哉上古生棄與柱勾龍是生

氏一作主

乃有甫田惟彼甫

田有萬斯年開利之源無乃塞源一廛亦官百廛亦官

嗇夫孔艱浸兮曠兮申有蠡兮惟馨祀是患豈止餒與

寒嗇夫咨咨稊盛苗衰耕之耜之襪襖鋤犁手胼足胝
水之蛭蟻吮喋我肌我姑自思胡不奮飛東人利百西
人利百有匪我心胡為不易河水活活萬人逐末俾爾
之愉悅兮

左車二章

左車憑險也震為雷兄長之左東方之師也憑險
不已君子憂心而作是詩

左車有慶萬人猶病曷可去之于黨孔盛敏爾之生胡

為波迸

左車有赫萬人毒螫曷可去之于黨孔碩敏爾之生胡
為草戚

築城二章

築城刺臨戎也寺人臨戎以墓塼為城壁

築城登登予以作固咨爾寺兮發郊外冢墓死而無知
猶或不可若其有知惟上帝是愬

築城弈弈予以固敵咨爾寺兮發郊外冢魔死而無知

猶或不可若其有知惟上帝是謫

持斧一章

持斧啟戎士也戎士伐松柏爲蒸薪孝子徘徊而
作是詩

持斧持斧無翦我松柏兮

一本有柏下之土藏
吾觀之體魄兮二句

十月之郊一章

十月之郊造公

一作宮

室也君子居公

一作宮

室當思

布德行化焉

十月之郊羣木肇生陽潛地中舒達勾萌噎其蔚兮不
可以遊息乃熯疾藜乃夷荆棘乃繇彼曲直匠氏度思
登斧以時澤梁蓁蓁無或夭枝有巨根蒂生混茫際呼
吸羣籟萬人揮斤坎坎有厲陸遷水濟百一作萬力殫弊

審方面勢姑博其製作為公

一作宮

室公

一作宮

室既成禦

燥濕風日棟之斯厚椽之斯密如翼于飛如鱗櫛比繚
以周墉城以崇階俯而望之矗與雲齊礧礧硤硤藻井
旋題丹素之燦兮椒桂之馥兮高閣高閣珠綴結絡金

鋪爛若不集于鳥雀繪事告畢賓筵秩秩乃命旨酒一本

有乃鼓二字

琴瑟琴瑟在堂莫不靜謐周環掩闥仰不漏日

冬日嚴凝言納其陽和風載昇夏日鬱蒸言用于陰涼
風颯興有匪君子自賢不已乃夢乘舟乃夢乘車夢人
占之更爽其居炎炎則移皎皎則虧木實之繁兮明年
息枝爰處若思胡寧不爾思

燕于巢一章

燕于巢審日辰也燕不以甲乙銜泥

燕燕于巢綴葺維戊甲兮乙兮不宜有謬飛龍在天雲
掩于斗曷日于雨乃曰庚午彼日之差亦孔斯醜昔在
羲和酒淫不修我筮我龜莫我告繇盾廼征之彛倫九
疇君子授律是禡是禴三五不備罔克攸遂惠此蒸人
毋廢爾事爾莫我從維來者是冀

蘇方一章

蘇方諷商胡舶舟運蘇方歲發扶南林邑至齊國
立盡

蘇方之赤在胡之舶其利乃博我土曠兮我居闐兮我
衣不白兮朱紫爛兮傳瑞煜兮相唐虞之維百兮

陵霜之華一章

陵霜之華傷不實也

陵霜之華我心憂嗟陰之勝矣而陽不加缺軋陶

一作
大

鈞乃帝乃神乃舒乃屯烈烈嚴秋熙熙陽春職生有倫
今華發非其辰辰屬東方之仁遐想三五黃帝登雲堯
年百餘二儀分位六氣不渝二景如璧五星如珠陵霜

之華兮何不妄敷

囡一章

囡哀閩也

囡音蹇閩俗呼子為囡父為郎罷

囡生閩方閩吏得之乃絕其陽為臧為獲致金滿屋為
髡為鉗如視草木天道無知我罹其毒神道無知彼受
其福郎罷別囡吾悔生汝及汝既生人勸不舉不從人
言果獲是苦囡別郎罷心摧血下隔地絕天及至黃泉
不得在郎罷前

我行自東一章

我行自東不遑居也

我行自東山海其空旅棘有叢我行自西壘與雲齊雨
雪淒淒我行自南烈火滿林日中無禽霧雨淫淫我行
自北燭龍寡色何枉不直我憂京京何道不行兮

採蠟一章

採蠟怨奢也荒巖之間有以繡蒙其身腰藤造險
及有羣蜂肆毒哀呼不應則上捨藤而下沈

一本有之

字壑

採採者蠟于泉谷兮煌煌中堂烈華燭兮新歌善舞弦
柱促兮荒巖之人自取其毒兮

棄婦詞

李白集中亦有之元人蕭士贇謂此篇
顧況棄婦詞也後人添增數句竄入太

白集
中

古人雖

一作
有

棄婦棄婦有歸處今日妾辭君辭君欲何

一作遣
妾何處

去本

一作
舊

家零落盡慟哭來時路憶昔未嫁君

聞君甚周旋及與同結髮值君適幽燕孤魂託飛鳥兩

眼如流泉

以上四句一作綺羅錦繡段有贈黃金千十
五許嫁君二十移所天結髮日未久離居緬

山川家家盡歡樂賤妾空自憐幽閨多沈
思盛事無十年相思若循環枕席生流泉

流泉咽不燥

萬里

獨夢一作

關山道及至

此一作

見君歸君歸妾已老物情

棄

一作
華惡

衰歇新寵方妍好拭

掩一作

淚出故房傷心劇秋

草

此下一本有自妾為君妻君東妾在西羅惟到曉恨
玉貌一生啼妾有嫁時服輕雲淡翠霞瑠璃作斗帳

四角金蓮花自從離別後不覺塵埃厚常嫌玳瑁孤獨
恨梧桐偶玉顏逐霜霰賤妾何能守寒沼落芙蓉秋風

散楊柳
十六句

妾以

以此一作

憔悴捐

一作
顏

羞將

空一作
持

舊物還餘生

欲有

一作
亦何

寄誰肯相留連

一作
牽攀

空牀對虛牖不覺塵埃

厚寒水芙蓉花秋風隨楊柳

以上四句一作君思既斷絕相見何年月悔傾連理

杯虛作同心結女蘿附青松貴在相依投浮萍共綠水教作若為流不怨君棄妾自歎妾緣薄

記得一作

憶昔初嫁君小姑始

一作纔

扶牀今日君棄妾

一作妾辭君

小姑

如妾長回頭語小姑莫嫁如兄夫

遊子吟

故櫪思疲馬故窠思迷禽浮雲蔽我鄉躑躅遊子吟遊
子悲久滯浮雲鬱東岑客堂無絲桐落葉如秋霖
躑躅哉遠遊子所以悲滯淫一為浮雲詞憤塞誰能
禁馳歸一作

暉
百年內唯願展所欽胡為不歸歟坐使年病侵未老

霜遶鬢非狂火燒心太行何難哉北斗不可斟夜靜星

河出耿耿辰與參佳人夏青天尺素重於金沈寥羣動

異眇默諸境森苔衣上閒階蟋蟀一作蜻蛚催寒碇立身計

幾悞道險無容針三年不還家萬里遺錦衾夢魂無重

阻離憂罔一作因古今胡為不歸歟辜一作孤負匣中琴腰

下是何物牽纏曠登尋朝與名山期夕宿楚水陰楚水

殊演漾名山宵嶠嶽客從洞庭來婉孌瀟湘深橘柚在

南國鴻雁遺秋音下有碧草洲上有青橘林引燭窺洞
穴凌波睥天琛蒲荷影參差鳧鶴雛淋泠浩歌惜芳杜
散髮輕華簪胡為不歸歟淚下沾衣襟鳶飛戾霄漢螻
蟻制鱣鱣赫赫大聖朝日月光照臨聖主雖啓迪竒一作
吾人分湮沈層城登一作發雲韶王一作玉府鏘球琳鹿鳴
志豐草况復虞人箴

擬古三首

第一首一作
長安古意

龍劍昔藏影送雄留其雌人生阻歡會神物亦別離碧

樹感秋落佳人無還期夜琴為君咽浮雲為君滋愛而
傷不見星漢一作使星徒參差

幽居盼天造胡息運行機春葩妍既榮秋葉瘁以飛滔
滔川之逝日沒月光輝所貴法乾健于道悟入微任彼
聲勢徒得志方誇毗

浮生果何慕老去羨介推陶令何足錄彭澤歸已遲空
負漉酒巾乞食形諸詩吾惟抱貞素悠悠白雲期

傷子

老夫哭

一作喪

愛子日暮千行血聲逐斷猿悲跡

一作路

隨

飛鳥滅老夫已七十不作多時別

春遊曲

二首一作一首

遊童蘇合帶倡女蒲葵扇初日映城時相思忽相見褰裳踏露草理鬢回花面薄暮不同歸留情此芳甸

柘彈連錢馬銀鈎安隋鬟採桑春陌上踏草夕陽間意合詞先露心誠貌却閒明朝若相憶雲雨出巫山

從軍行二首

弭節結徒侶，速征赴龍城。
單于近突圍，烽燧屢夜驚。
長弓挽滿，月劍華霜雪。
明遠道，百草殞，峭覺寒風生。
風寒欲砭肌，爭奈裘襖輕。
回首家不見，候雁空中鳴。
笳奏還以哀，肅肅趣嚴程。
寄語塞外胡，擁騎休橫行。

少年膽氣麁，好勇萬人敵。
仗劍出門去，三邊正艱厄。
怒目時一呼，萬騎皆辟易。
殺人蓬麻輕，走馬汗血滴。
醜虜何足清，天山坐寧謐。
不有封侯相，徒負幽并客。

塞上曲

黠虜初南下塵飛塞北境漢將懷不平讐擾當遠屏金
草卧不暖起舞霜月冷點軍三十千一作年部伍嚴以整
酣戰祈成功于焉罷邊覺

弋陽溪中望仙人城

何草乏靈姿無山不孤絕我行雖云蹇偶勝聊換節上
界浮中流光響洞明滅晚一作曉禽曝霜羽寒魚依石髮
自有無還心隔波望松雪

嚴公釣臺作

靈芝產遐方威鳳家

一作駕

重霄巖生何耿潔託志肩夷

巢漢后雖則貴子陵不知高糠粃當世道長揖夔龍朝
掃門彼何人升降不同朝捨舟遂長往山谷多清飈

蕭寺偃松

淒淒百卉病亭亭雙松迥直上古寺深橫拂秋殿冷輕

響入龜目

一作息

片陰栖鶴頂山中多好樹可憐無比並

獨遊青龍寺

春風入香刹暇日獨遊行曠然蓮花臺作禮月光面乘

茲第八識出彼超二見擺落區中緣無邊廣弘願長廊
朝雨畢古木時禽轉積翠暖遙原雜一作離英紛似霰鳳
城騰日窟龍首橫天堰蟻步避危階蠅飛響深殿大通
智勝佛幾刳道場現

初秋蓮塘歸

秋光淨無跡蓮消錦雲紅只有溪上山還識揚舡翁如
何白蘋花幽渚笑涼風

從江西至彭蠡入浙西淮南界道中寄齊相公

大賢舊丞相作鎮江山上一作雄自鎮江山上一作來何人

得如公處士待徐孺仙人期葛洪一身控上遊八郡趨

下風比屋除畏溺林塘曳煙虹生人罷虔劉井稅均且

一作充大府肅無事歡然一作接悲翁心清百丈泉目

送孤飛鴻數年鄱陽掾抱責栖微躬首陽及汨羅無乃

褊其衷楊朱并阮籍未免哀途窮四賢雖得仁此怨何

怱怱老氏齊寵辱於陵一窮通本師留度門平等寃親

同能依二諦法了達三輪空真境靡方所出離内外中

無邊盡未來定惠

一作慧

雙修功蹇步慙寸進飾裝隨轉

蓬朝行楚水陰夕宿吳洲東吳洲復

一作覆

白雲楚水飄

丹楓晚霞燒迴潮千里光瞳瞳冥開海上影桂吐淮南

叢何當翼明庭草木生春

一作昭融

寄上兵部韓侍郎奉呈李戶部盧刑部杜三侍

郎

道路五千里門闌三十年當時攜手人今日無半全詠

題官舍內賦韻僧房前公登略行橋況榜龍

一作眺

舳舻

遠寺吐朱閣春潮浮綠煙
鴻翔鄧林沙鵝飛吳田諸
子紛出祖中宵久留連
坐客三千人皆稱主人賢
國士分如此家臣亦依然
身在一作從薜蘿中頭刺文案邊
故吏已重疊門生從聯翩
得罪為何名無階問皇天
出門多岐路命駕無由緣
伏承諸侍郎顧念猶迤邐
聖代逢三宥營魂空九遷

長安竇明府後亭

君為長安令我羨長安
政五日一朝天南山對明鏡
鳥飛

青苔院水木相輝映客至南雲

一作薰

鄉絲桐展歌詠吏

人何蕭蕭

一作蕭蕭

終歲無喧競欲識明府賢邑中多百姓

謝王郎中見贈琴鶴

此琴等焦尾此鶴方胎生赴節何徘徊感物自并獨

立江海上—彈天地清朱絃動瑤華白羽飄玉京因想

羨門軫眇然四體輕子喬翔鄧林王母遊層城忽如—

然啓靈署鸞鳳相和

一作呼

鳴何由玉女牀

一作女牀山

去食

琅玕英

和翰林吳舍人兄弟西齋

君家誠易知易知復難同
新裁尺一詔早入明光宮
西齋何其高一作遠上與星漢通
永懷洞庭石春色相玲瓏

久懷巴峽泉夜落君絲桐
信是怡神所迢迢茂華嵩
鳥飛晴雲滅疊嶂盤虛空
君家誠易知易知意難窮

望初月簡于吏部

沈寥中秋夜坐見如鈞
月始從西南升又欲西南沒
全移河上影暫透林間缺
縱待三五時終為千里別

上湖至破山贈文周蕭元植

一別二十年依依過故轍湖上非往態夢想頻虛結二
子伴我行我行感祖節後人應不識前事寒泉咽一別
二十年人堪幾回別

酬信州劉侍郎兄

劉兄本知命屈伸不介懷南州管靈山可惜曠土棲一作

士樵隱同一徑竹樹薄西齋烏陵嶂合沓月配波一作

徘徊薄宦修禮數長景謝譚諧願為南州民輸稅事鉏

犁胡為走不止風雨驚遶迴

奉酬劉侍郎

幾迴新秋影壁

當作壁

滿蟾又缺鏡破似

一作自

傾臺輪斜

同覆轍雖分上林桂還照滄洲雪暫伴顛顛人歸華耿
不滅

酬本部常左司

一題作奉和同郎中韋使君郡齋雨中宴集時況左遷饒州

好鳥依佳樹飛雨灑高城況與二三

一作數君

子列坐分兩

楹文雅一何盛

一作麗

林塘含餘清府君

一作我公

未歸朝遊子

不待晴白雲帝城遠滄江楓葉鳴却略欲一言

一作拜手欲無

言零淚和酒傾寸心久已

一作

摧折別離重

一作方

骨驚安

得凌風

一作霜

翰肅肅賓天京

酬房杭州

郡樓何其曠亭亭廣而深故人牧餘杭留我披胸衿滿

篋閱新作璧玉誕清音流水入洞天宵豁欲相

一作相

凌臨

闢險延北阜薙道陟南岑朝從山寺還醒醉動笑

一作愁

吟荷花十餘里月色攢湖林父老惜使君却欲速華簪

酬漳州張九使君

故人窮越徼，狂生起悲愁。
山海萬里別，草木十年秋。
鞭馬廣陵橋，出祖張漳州。
促膝隨簪珥，闢幌憂琳球。
短題自茲簡，華篇詎能酬。
無階承明庭，高步相追遊。
南方榮桂枝，凌冬捨溫裘。
猿吟郤齋中，龍靜檀欒流。
薜一作鹿

莫徭洞網魚，盧亭洲一作舟心安處處安。
處處思遐陬。

在滁苦雨歸桃花，崦傷親友畧盡。

廢棄忝殘生，後來亦先夭。
詩人感風雨，長夜何時曉。
去

國宦情無近鄉歸夢少庇身絕中授甘靜忘外擾麗景
變重陰洞山空木表靈潮若可通寄謝西飛鳥

苦雨

一本題下有思
歸桃花嶺五字

朝與佳人期碧樹生紅萼暮與佳人期飛雨灑清閣佳
人宵何許中夜心寂寞試憶花正開復驚葉初落行騎
飛泉鹿卧聽雙海鶴嘉願有所從安得處其薄

贈別崔十三長官

真玉燒不熟寶劍拗不折欲別崔俠心崔俠心如鐵復

如金剛鎖無有功不徹仍於直道中行事不詆訐崔俠
兩兄弟垂範繼芳烈相識三十年致書字不減我來宣
城郡飲水仰清潔藹藹北阜松栽栽南山雪顧生歸山
去知作幾年別

哭從兄甚

洞庭違鄂渚嫋嫋秋風時何人不客遊獨與帝子期黃
鵠鍛飛翅青雲歎沈姿身終一騎曹高蓋者為誰從駕
至梁漢金根復京師皇恩溢九垓不記屠沽兒立身有

高節滿卷多好詩赫赫承明庭羣公默無詞草木正搖
落哭兄鄱水濱共居雲陽里轆軻多別離人生倏忽間
旅櫬飄若遺稚子新學拜枯楊生一枝一本無此四句人生倏
忽間精爽無不之舊國數千里家人由未知人生倏忽
間安用才士為

華山西岡遊贈隱玄叟

羣峯鬱初霽潑黛若鬟沐失風鼓咭呀搖撼千灌木木
葉微隨黃石泉淨停綠危磴蘿薜牽迥步入幽谷我心

寄青霞世事慚蒼鹿遂令巢許輩于焉謝塵俗想是悠
悠雲可契去留躅

歸陽蕭寺有丁行者能修無生忍擔水施僧況
歸命稽首作詩

化佛示持帚仲尼稱執鞭列生御風歸餉豕如人焉曹
溪第六祖踏碓逾三年伊人自何方長綬超遙泉關士
行何苦雙瓶胝兩肩蕭寺百餘僧東厨正揚煙露足沙
石裂外形巾褐穿若其有此身豈得安穩眠獨出違順

境不為寒暑還大聖於其一作空中領我心之虔萬法常

空滅無生因忍全一國一釋迦一燈分百千永願遺世

知一作智現身彌勒前潛容偏虛空靈響不可傳智慧舍利

佛一作弗神通自乾一作目健連阿若憍陳如迦葉迦旃一作檀

延左右二菩薩文殊并普賢身披六銖衣億劫為大僊

寶塔寶樓閣重簷交梵天譬如一明珠共贊光白圓天

魔波旬等降伏金剛堅野義羅刹鬼亦赦塵垢纏乃致

金翅鳥吞龍護洪淵一十一衆中身意皆快然八河注

大海中有楞伽船佛法付國王平等無頗偏天子事端
拱大臣行其權玉堂無蠅飛五月冰凜筵盡力答明主
猶自招罪愆九族無白身百花動一作嬋娟神聖惡如
此物華不能妍祿山一微胡驅馬來自燕宛彼宮闕麗
如何犬羊羶苦哉千萬人流血成丹川此輩一作之死
後鑊湯所熬煎業風吹其魂猛火燒其煙獨有丁行者
無憂樹枝邊市頭盲老人長者乞一錢韜照多密用為
君吟此篇

大茅嶺東新居憶亡子從真

谷鳥猶呼兒山人夕霑襟懷哉隔生死悵矣徒登臨東
門憂不入西河遇亦深古來失中道偶向經中尋大象
無停輪倏忽成古今其天非不幸鍊形由太陰凡欲攀
雲階譬如火鑄金虛室留舊札洞房掩閒琴泉源登方
諸上有空青林彷彿通寤寐蕭寥邈微音軟草被汀洲
鮮雲略浮沈頽景宣疊麗紺波響飄淋石窟含雲巢迢
迢耿南岑悲恨自茲斷情塵詎能侵真靜一時變坐起

唯從心

御定全唐詩卷二百六十四

欽定四庫全書蒼要卷一萬七千六百七十

集部

御定全唐詩卷二百六十五

顧況

烏啼曲二首

玉房掣鎖聲翻葉銀箭添泉遶霜

一作霜遶

堞畢逋撥刺月

一作日銜城八九雛飛其母驚此是天上老鴟鳴人間

一作

我聞老鴟無此聲搖風雜佩耿華燭夜聽羽人彈此曲東

方瞳瞳

一作

赤日旭

月出江林西江林寂寂城鷓啼昔人何處為此曲今人
何處聽不足城寒月曉馳思深江上青草為誰綠

幽居弄

苔衣生花

一本疊
花字

露滴月入西林蕩東壁扣商占角兩

三聲洞戶溪

一作
深

窗一冥寂獨去滄洲無四鄰身嬰世

網此何身關情命曲寄惆悵久別山南山裏人

公子行

輕薄兒面

一作
白

如玉紫陌春風纏馬足雙鞞懸金縷鶻

飛長衫刺雪生犀束綠槐夾道陰初成珊瑚幾節敵流
星紅肌拂拂酒光凝一作當街背拉金吾行朝遊瑟瑟
鼓聲發暮遊瑟瑟鼓聲絕入門不肯自升堂美人扶踏
金階月

古離別

西江上風動麻姑嫁時浪西山為水水為塵不是人間
離別人

長安道

長安道人無衣馬無草何不歸來山中老

龍宮操

并序

顧況曰壬子癸丑二年大水時在滁遂作此操蓋
大歷中也

龍宮月明光參差精衛銜石東飛時鮫人織綃採藕絲
翻江倒海一作漢傾吳蜀漢女江妃杳相續龍王宮中水
不足

梁廣畫花歌

王母欲過劉徹家飛瓊夜入雲
駟車紫書分付與青鳥
却向人間求好花上元夫人
最小女頭面端正能言語
手把梁生畫花看凝嚙掩笑
心相許心相許為白阿孃
從嫁與

送別日晚歌

一本題上無
送別二字

日窅窅

一作
溟溟

兮下山望佳人兮不還
花落兮屋上草生

兮堦間

一作
前

日日兮春風芳菲兮欲歇
一作
減老不可兮

更少君何為兮輕別

行路難三首

本集止有前二首英華
第三首居前合為一首

君不見擔雪塞井空

一作徒

用力炊砂作飯豈堪食

一作喫

一生肝膽向人盡相識不如不相識冬青樹上挂凌霄

歲晏花凋樹不凋凡物各自有根本種禾終不生荳苗

行路難行路難

一本有不
知二字

何處是平道中心無事當富

貴今日看

一作覺

君顏色好

君不見少年頭上如雲髮少壯如雲老如雪豈知灌頂
有醍醐能使清涼頭不熱呂梁之水挂飛流鼃鼃蛟蜃

不敢遊少年恃險若平地獨倚長劍凌清秋行路難行

路難昔

一本有日字

少年今已老

一本有炫日春光不長好一句

前朝竹帛

事皆空日暮牛羊占

一作古

城草

君不見古人

一作來

燒水銀變作北印山上塵藕絲掛在

虛空中

一作挂山在虛空一作挂身在虛空

欲落不落愁殺人睢水英雄多

血刃建章宮闕成煨

一作灰

燼淮王身死挂樹

一作枝

折徐

福

一作布

一去音書絕行路難行路難生死

一本有命二字

皆

由天秦皇漢武遭不脫汝獨何人學神仙

悲歌 有序

情思發動聖賢所不免也故師乙陳其宜延陵審
其音理亂之所經王化之所興信無逃於聲教豈
徒文彩之麗耶遂作歌以悲之

邊城路今人犁田昔人墓岸上沙昔日一作時江水今人

家今人昔人共長歎四氣相催節迴換明月皎皎入華

池白雲離離渡霄一作青漢

二 一作悲歌 一作短歌行 此
首才調集分二首各四句

我欲昇天天隔霄我欲渡水水無橋我欲上山山路險
我欲汲井井泉遙越人翠被今何夕獨立沙邊江草碧
紫燕西飛欲寄書白雲何處逢來

一作蓬萊

客

以上二首一本合作一首

三

以下三首一本合為一首題作遠思曲

新繫青絲百尺繩心在君家轆轤上我心皎潔君不知
轆轤一轉一惆悵

四

何處春風吹曉幕江南淶水通朱閣美人二八面如花

泣向春

一作東

風畏花落

五

臨春風聽春鳥別時多見時少愁人夜永
一作夜不得眠
瑤井玉繩相對曉

六

一作攀龍引

軒轅黃帝初得仙鼎湖一去三千年周流三十六洞天
洞中日月星辰聯騎龍駕景遊八極軒轅弓劍無人識

東海青童寄消息

本集自臨春風至軒轅以下為一首列之第三篇文苑所載多脫畧今從

文粹及集
本添入

春草謠

春草不解行隨人上東

一作空

城正月二月色綿綿千里

萬里傷人情

苔蘚山歌

野人夜夢江南山江南山深松桂間野人覺後長歎息
帖蘚黏苔作山色閉門無事任盈虛終日欵眠觀四如
一如白雲飛出壁二如飛雨巖前滴三如騰虎欲咆哮

四如嬾龍遭霹靂嶮峭嵌空潭洞寒小兒兩手扶欄干

同裴觀察東湖望山歌

浴鮮積翠栖靈異石洞花宮橫半空

胡震亨云每句上四言下三言各為

韻夜光潭上明星啟風雨壇邊樹如洗水淹徐孺宅恒

乾繩墜洪崖井無底主人載酒東

一作春

湖陰遙望西山

三四峯

八月五日歌

四月八日明星出摩耶夫人降前

一作干

佛八月五日佳

氣新昭成太后生聖人開元九年燕公說奉詔聽置千
秋節丹青廟裏貯姚宋花萼樓中宴岐薛清樂靈香幾
處聞鸞歌鳳吹動祥雲已於武庫見靈鳥仍向晉山逢
老君率土普天無不樂河清海晏窮寥廓梨園弟子傳
法曲張果先生進仙藥玉座淒涼遊帝京悲翁迴首望
感一作承明雲韶九奏杳然遠唯有五陵松柏聲

露青竹杖一作歌

鮮于仲通正當年章仇兼瓊在蜀川約束蜀兒採馬鞭

蜀兒採鞭不敢眠橫截斜飛

一作度

飛鳥邊繩橋夜上層

崖顛頭插白雲跨飛泉採得馬鞭長且堅浮漚丁子珠

聯聯仄煮蠟揩光爛然章仇兼瓊持上天上天雨露何

其偏飛龍閑廐馬數千朝飲吳江夕秣燕紅塵撲轡汗

濕韉師子麒麟聊比肩江面

一作曲江

昆明洗刷牽四蹄踏

浪頭拚天蛟龍稽潁河伯虔拓羯胡雛脚手鮮陳闕韓

幹丹青妍欲貌未貌眼欲穿金鞍玉勒錦連乾騎入桃

花楊柳煙十二樓中奏管絃樓中美人奪神仙爭愛大

家把此鞭祿山入闕闕破年忽見揚州北印一作邸前祇

有人還千一錢亭亭筆直無皴節磨捋一作將形相一條

鐵市頭格一作終是無人別江海賤臣不拘綫垂窗一作鞘

掛影西窗缺稚子覓衣挑仰穴家童拾薪幾杓折玉潤

猶沾玉壘雪碧鮮似染萇弘血蜀帝城一作祠邊子規咽

相如橋上文君絕往年策馬降至尊七盤九折橫劍門

穆王八駿超崑崙安用冉冉孤生根聖人不貴難得貨

金玉珊瑚誰買恩

金璫玉珮歌

贈君金璫太霄之玉珮
金鎖禹步之流珠
五嶽真君之秘錄
九天丈人之寶書
東井沐浴辰已畢
先進洞房上
奔日借問君欲何處來
黃姑織女機遣出

瑶草春

并序

隴西李迅者納別宅監奴出迅不喜欲訪故人為
刺史強而配焉既歸而不合監奴投井而死因作
瑶草春歌以悲之

瑤草春香容與江南豔歌京

一作涼

西舞執心輕子都信

節冠秋胡議以腰支嫁時論自有夫蟬鬢蛾眉明井底

燕裙趙袂

一作帶又作越帶

縈轆轤李生聞之淚如綆不忍回

頭看此井月中桂樹落一枝池上鷓鴣啼孤影露桃穠
李自成谿流水終天不向西翠帳綠窗寒寂寂錦茵羅
薦夜淒淒瑤草春丹井遠別後相思意深淺

蕭鄆草書歌

蕭子草書人不及洞庭葉落秋風急上林花開春露濕

花枝濛濛向水垂

一作泣

見君數行之灑落石上之松松

下寫若把君書比仲將不知誰在

一作上

凌雲閣

范山人畫山水歌

山崢嶸水泓澄漫漫汗汗一筆耕一草一木棲

一作妻

神

明忽如空中有物物中有聲復如遠道望鄉客夢遶山
川身不行

嵇山道芬上人畫山水歌

鏡中

一作湖

真僧白道芬不服朱審李將軍淥

一作漫

汗

一作

墨平鋪洞庭水筆頭點出蒼梧雲且看八月十五夜月

下看山盡如畫

一作畫分

杜秀才畫立走水牛歌

崑崙兒騎白象時時鎖著師子項奚奴跨馬不搭鞍立
走水牛驚漢官江村小兒好誇騁脚踏牛頭上牛領淺
草平田擦過時大蟲著一作看鈍幾落井杜生知我戀滄
洲畫作一障張牀頭八十老婆拍手笑妬他織女嫁牽

牛

梁司馬畫馬歌

畫精神畫筋骨一團旋風瞥滅沒仰秣如上賀蘭山低

頭欲飲長城窟此馬昂然獨此

一作出

羣阿爺是龍飛入

雲黃沙枯磧無寸草一日行過千里道展處把筆欲描
時司馬一駟賽傾倒

丘小府小鼓歌

地盤山鷄

一作鳴

猶可像坎坎砰砰隨手長夜半高樓沈

一作客醉時萬里踏橋亂山響

宜城放琴客歌

并序 柳渾
封宜城縣伯

琴客宜城愛妾也宜城請老愛妾出嫁不禁人之
欲而私耳目之娛達者也况承命作歌

佳人玉立生此

一作北

方家住邯鄲不是倡頭髻髮鬢手

爪長善撫琴瑟有文章新妍

一作牙

籠裙雲母光朱絃綠

水喧洞房忽聞斗酒初決絕日暮浮雲古離別巴猿啾
啾峽泉咽淚落羅衣顏色暝不知誰家更張設絲履墻
偏釵股折南山闌干千丈雪七十非人不暖熱人情厭

薄一作消歌古共然相公心在持事堅上善若水任方圓憶

昨好之今棄捐服藥不如獨自眠從他更嫁一少年

李供奉彈箏篔篋歌

國府樂手彈箏篔赤黃條索金鎔頭早晨有勅駕鴛殿

夜靜遂一作逐歌明月樓起坐可憐能抱撮大指調絃中

指撥腕頭花落舞製一作衣裂手下鳥驚飛撥刺珊瑚席

一聲一聲鳴錫錫羅綺屏一絃一絃如撼鈴急彈好遲

亦好宜遠聽宜近聽左手低右手舉易調移音天賜與

大絃似秋雁聯聯度隴關小絃似春燕喃喃向人語手
頭疾腕頭軟來來去去如風卷聲清冷冷鳴索索垂珠
碎玉空中落美女爭窺玳瑁簾聖人卷上真珠箔大絃
長小絃短小絃緊快大絃緩初調鏘鏘似鴛鴦水上弄
新聲入深似太清仙鶴遊秘館李供奉儀容質身才稍
稍六尺一在外不曾輒教人內裏聲聲不遣出指刺葱
腕削玉饒鹽饒醬五味足弄調人間不識名彈盡天下
崛竒曲胡曲漢曲聲皆好彈着曲髓曲肝腦往往從空

入戶來瞥瞥隨風落春草草頭只覺風吹入風來草即

隨風立草亦不知風到來風亦不知聲緩急熱玉燭點

一作照銀燈光照手實可憎只照筵篔簹上手不照筵篔

聲裏能馳鳳闕拜鸞殿天子一日一迴見王侯將相立

一作五馬迎巧聲一日一迴變實可重不惜千金買一弄

銀器胡瓶馬上馱瑞錦輕羅滿車送此州好手非一國

一國東西盡南北除却天上化下來若向人間實難得

劉禪奴彈琵琶歌

感相國
韓公夢

樂府只傳橫吹好琵琶寫出關山道羈雁出塞繞黃雲
邊馬仰天嘶白草明妃愁一作怨中漢使迴蔡琰愁處胡
笳哀鬼神知妙欲收響陰風切切四面來李陵寄書別
蘇武自有生人無此苦當時若值霍驃姚滅盡烏孫奪
公主

李湖州孺人彈箏歌

武帝昇天留法曲淒情掩抑絃柱促上陽宮人一作女怨

青苔此夜想夫憐碧玉思婦高樓刺壁窺一作看愁猿叫

月鸚呼兒寸心十指有長短妙入神處無人知獨把梁
州凡幾拍風沙對面胡秦隔聽中忘却前溪碧醉後猶
疑邊草白

鄭女彈箏歌

鄭女八歲能彈箏春風吹落天上聲一聲雍門淚承睫
兩聲赤鯉露鬢鬣三聲白猿臂拓頰鄭女出參丈人時
落花惹斷遊空絲高樓不掩許聲出羞殺百舌黃鶯兒

諒公洞庭孤橘歌

不種自生一株橘誰教渠向堦前出不羨江陵千木奴
下生白蟻子上生青雀雛飛花簷蔔旃檀香結實如綴
摩尼珠洞庭橘樹籠烟碧洞庭波月連沙白待取天公
放恩赦儂家定作湖中客

送行歌

送行人歌一曲何者為泥何者玉年華已向秋草裏一作
衰春夢猶傳故山綠

險竿歌

宛陵女兒擘飛手長竿橫空上下走已能輕險若平地
豈肯身為一家婦宛陵將士天下雄一下定却長稍弓
翻身挂影恣騰蹋反縮頭髻盤旋風盤旋風撒飛鳥驚
猿遶樹枝裏頭上打鼓不聞時手蹉脚踏蜘蛛絲忽雷
掣斷流星尾矐睽劃破蚩尤旗若不隨仙作仙女即應
嫁賊生賊兒中丞方略通變化外戶不扃從女嫁

洛陽行送洛陽韋七明府

一有響字

始上龍門望洛川洛陽桃李豔陽天最好當年二三月

上陽宮樹千花發，疏家父子錯掛冠。
梁鴻夫妻虛適越，黃鵠樓歌送獨孤助。

故人西去黃鵠樓，西江之水上天流。
黃鵠杳杳江悠悠，黃鵠徘徊故人別。
離壺酒盡清絲絕，綠嶼沒餘煙白沙。
連曉月

廬山瀑布歌送李顧

飄白霓，挂丹梯，應從織女機邊落。
不遣潯陽湖一作潮向

西火雷劈山珠噴，日五老峰前九江溢。
九江悠悠萬古

情古人行盡今人行老人也欲上山去上箇深山無姓名

朝上清歌

潔眼朝上清綠景開紫霞皇皇紫微君左右皆靈娥曼
聲流睇和清歌些至陽無護其樂多些旌蓋颯沓簫鼓
和些金鳳玉麟鬱駢羅些反風名香香氣馥些瓊田瑤
草壽無涯些君着玉衣升玉車些欲降瓊宮玉女家些
其桃千年始着花些蕭寥天清而滅雲目瓊瓊兮情感

珮隨香兮夜聞肅肅兮悒悒啓天和兮洞靈心和為丹
兮雲為馬君乘之觴于瑤池之上兮三光羅列而在下

剡紙歌

雲門路上山陰雪中有玉人持玉節宛委山裏

一作裏

禹

餘糧石中黃子黃金屑剡溪剡紙生剡藤噴水搗後為
蕉葉欲寫金人金口經寄與山陰山裏僧手把山中紫
羅筆思量點畫龍蛇出政是垂頭蹋翼時不免向君求

此物

御定全唐詩卷二百六十五

欽定四庫全書薈要卷一萬七千六百七十一集部

御定全唐詩卷二百六十六

顧況

洛陽早春

何地避春愁終年憶舊遊
一家千里外百舌五更頭
客路偏逢雨鄉山不入樓
故園桃李月伊水向東流

步虛詞

太清宮作

迥步遊三洞清心禮七真
飛符起羽翼焚一作火醮星

辰殘藥沾雞犬靈

一作空

香出鳳麟壺中無窄處願得一

容身

鄱陽大雲寺一公房

盡日陪遊處斜陽

一作暉

竹院清定中觀有漏言外

一作下

證無生色界聊傳法空門不用情欲知相去近鐘鼓兩

聞聲

送友失意南歸

衣揮京洛塵完璞伴歸人故國青山徧滄江白髮新鄰

荒收酒幔屋古布苔茵不用通名姓漁樵共主賓

南歸

老病力難任猶多鏡雪侵鱸魚消宦况鷗鳥識歸心急
雨江帆重殘更驛樹深鄉關殊可望漸漸入吳音

閒居自述

榮辱不關身誰為疎與親有山堪結屋無地可容塵白
髮偏添壽黃花不笑貧一樽朝暮醉陶令果何人

題歙

一作攝

山棲霞寺

明徵君舊宅陳後主題詩跡在人亡處山空月滿時寶
瓶無破響道樹有低枝已是傷離客仍逢新尚祠

經廢寺

前半首一本
作五言絕句

不知何世界有處似南一作前朝石路無人掃松門被火

燒斷幡猶挂剎故板尚措橋數卷殘經在多年字欲銷

送李道士

一本題下有歸
桃花崦四字

人境年虛擲仙源日未斜羨君乘竹杖辭我隱桃花鳥

去寧知路雲飛似憶家莫愁客鬢一作髮改自有紫河車

酬唐起居前後見寄二首

愁人空望國驚鳥不歸林莫話彈冠事誰知結襪心霜
凋樹吹斷土蝕劍痕深欲作懷沙賦明時恥自沈
何處弔靈均江邊一老人漢儀君已接楚奏我空頻直
道其如命平生不負神自傷庚子日鵬鳥上承塵

奉酬茅山贈賜并簡綦母正字

一本題上作奉
酬韋夏卿送歸

茅山

玉帝居金闕靈山幾處朝簡書猶有畏神理詎能超鶴

廟新家近龍門舊國遙離懷結不斷玉洞

一作洞府

一吹簫

白蘋洲送客

莫信梅花發由來謾報春不才充野客扶病送朝臣
闕下搖青珮洲邊採白蘋臨流不痛飲鷗鳥也欺人

春鳥詞送元秀才入京

春來繡羽齊暮向竹林栖禁苑銜花出河橋隔樹啼
尋聲知去遠顧影念飛低別有無巢鷺猶窺幕上泥

別江南

江城吹曉角愁殺遠行人
漢將猶防虜吳官欲向秦
布帆輕白浪錦帶入紅塵
將底求名宦平生但任真

空梁落燕泥

卷幕參差一作差池燕常銜濁水泥
為黏珠履跡未等畫梁

齊舊點痕猶淺新巢緝尚低
不緣頻上落那得此飛棲

上元夜憶長安

滄州老一年老去憶秦川
處處逢珠翠家家聽管絃
雲車龍闕下火樹鳳樓前
今夜滄州夜滄州夜月圓

酬揚州白塔寺永上人

塔上是何緣香燈續細煙松枝當麈尾柳絮替蠶綿浮
草經行徧空花義趣圓我來雖為法暫借一牀眠

送韋秀才赴舉

鄱陽中酒地楚老獨醒年芳桂君應折沈及我不然洛
橋浮逆水關樹接非一作飛煙唯有殘生夢猶能到日邊

送使君

天中洛陽道海上使君歸拂霧趨金殿焚香入璪闌山

亭傾別酒野服間朝衣他日思朱鷺知從小苑飛

歷陽苦雨

一作夜雨

襄

一作哀

城秋雨晦楚客不歸心亥市風煙接隋宮草路

深離憂翻獨笑用事感浮陰夜夜空堦響唯餘蚯蚓

一作

蚓蜻
吟

傷大理謝少卿

舊館絕逢迎新詩何處呈空留封禪草已作岱宗行柳

蠹風吹折

一作折

堦崩雪遶平無因重來此剩哭兩三聲

經徐侍郎墓作

不知山吏部墓作

在一作

石橋東宅兆鄉闈異平生翰墨

空夜泉無曉日枯樹足悲風更想幽冥事惟應有夢同

鄒公合祔挽歌

草露前朝事荆茅聖主封空傳餘竹帛永絕舊歌鐘清
鏡無雙影窮泉有幾重笳蕭最悲處風入九原松

相國晉公挽歌二首

玉節朝天罷洪爐造化新中和方作聖太素忽收神盛

德橫千古高標出四鄰欲知言不盡處處有遺塵

凝茄催曉奠丹旒向青山夕照新瑩近秋風故吏還本

朝一作期光漢代從此掃胡關今日天難問浮雲滿世間

晉公魏國夫人柳氏挽歌

魚軒海上遙鸞影月中銷雙劍來時合孤桐去日凋夕
陽迷隴隧秋雨咽茄簫畫翬無留影銘旌已度橋

義川公主挽詞

弄玉吹簫後湘靈鼓瑟時月邊丹桂落風底白楊悲雜

珮分泉戶餘香出
總帷夜臺飛鏡匣
偏共掩蛾眉

憶山中

春還不得還家在最深
山蕙圃泉澆濕松窗
月映閒薄田臨谷口
小職向人間去處但無事
重門深閉闌

送大理張卿

一題作送張衡尉

春色依依惜一作傷解攜
月卿今夜泊隋堤
白沙洲上江

離長綠樹村邊謝豹啼
遷客比一作此來無倚仗
故人

相去隔雲泥
越禽唯有南枝分目一作自
送孤一作歸鴻飛

向西

宿湖邊山寺

羣峰過雨澗淙淙松下扉扃白鶴雙
香透經窗籠檜柏雲生梵宇濕幡幢
蒲團僧定風過席葦岸漁歌月隋江
誰悟此生同寂滅老禪慧力得心降

湖南客中春望

鳴雁嘹嘹北向頻淒波何處是通津
風塵海內憐雙鬢涕淚天涯慘一身
故里音書應望絕異鄉景物又更新

便拋印綬從歸隱吳渚香蓴漫吐春

閒居懷舊

日長鼓腹愛吾廬洗竹澆花興有餘
騷客空傳成相賦
晉人已負絕交書
貧居謫所誰推轂
仕向侯門恥曳裾
今日思來總皆罔
汗青功業又何如

寄江南鶴林寺石冰上人

山川重復出

一作重復

心地閣相逢
忽憶秋江月如聞古

寺鐘湖平南北岸雲抱兩三峰
定力超香象真言攝毒

龍風中何處鶴石上幾年松為報煙霞道人間共不容

樂府

暖谷春光至宸遊近甸榮雲隨天仗轉風入御簾輕翠
蓋浮佳氣朱樓倚太清朝臣冠劍退宮女管絃迎細草
承雕輦繁花入幔城文房開聖藻武衛宿天營玉醴隨
觴至銅壺逐漏行五星含土德萬姓徹中聲親祀先宗
典躬推示勸耕國風新正樂農器近消兵道德闢河固
刑章日月明野人同鳥獸率舞感昇平

送從兄一有奉字使新羅

六氣銅渾轉三光玉律調
河宮清奉責海嶽晏來朝地

絕提封入天平賜

一作錫

貢饒揚威輕破虜柔服恥征遼

曙色黃金闕寒聲白鷺潮
樓船非習戰驄馬是嘉招帝

女飛銜石鮫人賣淚綃
管寧雖不偶徐市

一作穉

儻相邀

獨島緣空翠孤霞上沈寥
蟾蜍同漢月蠅螭異秦橋
水

豹橫吹浪花鷹迥拂霄晨
裝凌莽渺夜泊記招搖幾路

通員嶠何山是沃焦
颶風晴汨

一作自

起陰火暝潛燒鬢

一作
鬢髮成新髻人參長舊苗扶桑銜迎一作
日近折木帶

津遥夢向愁中積魂當別處銷臨川思結網見彈欲求

鴉一作雌一作共散羲和歷誰差甲子朝滄波伏一作仗一作忠信譯

語辨謳謠疊鼓鯨鱗隱陰帆鷓首飄南溟垂大翼西海

飲文鯨文選吳都賦注文鯨常行西海而遊東海指景尋靈草排雲聽洞簫

封侯萬里外未肯後班超

山居即事

下泊降茅仙蕭閒隱洞天楊君閒上法司命駐流年崦


合桃花水窗分柳谷煙抱孫堪種樹倚杖問耘田世事
休相擾浮名任一邊由來謝安石不解飲靈泉

題盧道士房

秋砧響落木共坐茅君家唯見兩童子門外汲井花空
壇靜白日神鼎飛丹砂麈尾拂霜草金鈴搖霽霞上章
塵世隔看齊桐陰斜稽首問仙要黃精堪餌花

御定全唐詩卷二百六十六

謹案卷二百六十六第三頁前五行鵬鳥上承塵
刊本鵬訛鵬據別本改



總校官庶吉士 臣 張能照

校對官檢討 臣 王鍾健

謄錄監生 臣 葉椿

欽定四庫全書薈要

集部

御定全唐詩卷二百六十九

七至

詳校官候補通奇經歷臣郭祚熾



欽定四庫全書蒼會要卷一萬七千六百七十二

集部

御定全唐詩卷二百六十七

顧況

夢後吟

還有夢身外已無心
明鏡惟知老青山何處深

題靈山寺

戰鳥

覺地本隨身靈山重結因
如何戰鳥佛不化捕魚人

題元陽觀舊讀書房贈李範

此觀十年遊此房千里宿還來舊窗下更取君書讀

永嘉

東甌傳舊俗風日江邊好何處樂神聲夷歌出煙島

青弋江

淒清回泊夜淪波激石響村邊草市橋月下罟師網

聽山鷓鴣

誰家無春酒何處無春鳥夜宿桃花村踏歌接天曉

山逕柳

以下十四首一作臨平搗雜題

宛轉若遊絲淺深栽綠掩年年立春後即被啼鶯占
石上藤

空山無鳥跡何物如人意委曲結繩文離披草書字
薜荔菴

薜荔作禪菴重疊菴邊樹空山徑欲絕也有人知處
芙蓉榭

風擺蓮衣乾月背鳥巢寒文魚翻亂葉翠羽上危欄

歌松漪

湛湛碧漣漪老松欹側卧悠揚綠蘿影下拂波紋破

焙茶塢

新茶已上焙舊架憂生醜旋旋續新烟呼兒劈寒木

彈琴谷

谷中誰彈琴琴響谷冥寂因君扣商調草蟲驚暗壁

白鷺汀

霏靡汀草碧淋森鷺毛白夜起沙月中思量捕魚策

千松嶺

終日吟天風有時天籟止問渠何旨意恐落凡人耳

黃菊灣

時菊凝曉露露華滴秋灣仙人釀酒熟醉裏飛空山

臨平湖

采藕平湖上藕泥封藕節船影入荷香莫衝蓮柄折

山春洞

引燭踏仙泥時時亂乳燕不知何道士手把靈書卷

石竇泉

吹沙復噴石曲折仍圓旋野客漱流時杯粘落花片

古仙壇

遠山誰放燒疑是壇邊醮仙人錯下山拍手壇邊笑

題山頂寺

遙聞林下語知是經行所日暮香風時諸天散花雨

天寶題壁

五十餘年別伶僂道不行却來書處在惆悵似前生

哭李別駕

故人行跡滅秋草向南悲不欲頻回步孀妻正哭時
春雨不聞百舌

百舌春來啞愁人共待晴不關秋水事飲恨亦無聲

憶鄱陽舊遊

悠悠南國思夜向江南泊楚客斷腸時月明楓子落

春懷

園鶯啼已倦樹樹隕香紅不是春相背當由已自翁

洛陽陌二首

鶯聲滿御隄隄柳拂絲齊風送名花落香紅襯馬蹄
珂珮逐鳴騶王孫結伴遊金丸落飛鳥乘興醉青樓

寄淮上柳十三

葦蕭中闕戶相映綠淮流莫訝春潮闊鷗邊可泊舟

送李泌

末句
缺

昔別吳堤雨春帆去較遲江波千里綠

山中夜宿

涼月掛層峰蘿牀落葉重掩關深畏虎風起撼長松

登樓

高閣成長望江流雁叫哀
淒涼故吳事麋鹿走荒臺

江上

江清白鳥斜蕩槳
罨蘋花聽唱菱歌
晚迴塘月照沙

溪上

採蓮溪上女舟小怯
搖風驚起鴛鴦宿
水雲撩亂紅

田家

帶水摘禾穗夜擣具
晨炊縣帖取社長
嗔怪見官遲

宿山中僧

不爇香爐煙蒲團坐如鐵嘗想同夜禪風隨松頂雪

梅灣

白石盤盤磴清香樹樹梅山深不吟賞辜負委蒼苔

思歸

不能經綸大經甘作草莽間臣青鎖應須長別白雲漫
與相親

歸山作

心事數莖白髮生涯一片青

一作春

山空林有雪相待古

道

一作路

無人獨還

過山農家

板橋人渡泉聲
茆簷日午雞鳴
莫嗔焙茶煙暗
却喜曬穀天晴

代佳人贈別

萬里行人欲渡溪
千行珠淚滴為泥
已成殘夢隨君去
猶有驚烏半夜啼

憶故園

惆悵多山人復稀
杜鵑啼處淚霑衣
故園此去千餘里
春夢猶能夜夜歸

題葉道士山房

水邊垂

一作楊

柳赤欄橋洞裏
仙人碧

一作吹

玉簫近得麻

姑音

一作書

信否潯陽江

一作向

上不通潮

送李秀才入京

五湖秋葉滿行船
八月靈槎欲上天
君向

一作入

長安余

適越獨登秦望

嶺一作

望秦川

越中席上

一局席一作

看弄老人

不到山陰十二春

鏡一作會

中相見白頭新
此生不復為

年少今日從他弄老人

聽劉安唱歌

子

一作午

夜新聲何處傳
悲翁

一作歌

更憶太平年
即今法

曲無人唱已逐霓裳飛上天

櫻桃曲

百舌猶來上苑花
遊人獨自憶京華
遙知寢廟嘗新後
勅賜櫻桃向幾家

山中

一作朱放詩題
作山中聽子規

野人愛向

一作自愛

山中宿
况在葛洪丹井西
庭前有箇長

松樹夜半子規來
上啼

贈

一作貽

朱放

野客歸時無四鄰
黔婁別久案常貧
漁樵舊路不堪入
何處空山猶有人

江村亂後

江村日暮尋遺老
江水東流橫浩浩
竹裏閒窗不見人
門前舊路生青草

望簡寂觀

青嶂青溪直復斜
白雞白犬到人家
仙人住在最高處
向晚春泉流白花

五兩歌送張夏

竿頭五兩風裏裏
水上雲帆逐飛鳥
送君初出揚州時

金
卷二百六十七
霽霽瞳瞳江溢曉

臨海所居三首

此是昔年征戰處曾經永日絕人行
千家寂寂對流水
唯有汀洲春草生

此去臨溪不是遙樓中望見赤城標
不知疊嶂重霞裏
更有何人渡石橋

家在雙峰蘭若邊一聲秋磬發孤煙
山連極浦鳥飛盡

月上青林人未眠

此首題一作
江上故居

聽角思歸

故園黃葉滿青苔
夢後城頭曉角哀
此夜斷腸人不見
起行殘月影徘徊

酬柳相公

紀事有時宰曾招致將以好官命之况以詩答之

天下一作四海如今已太平
相公何事一作用

喚狂生箇身恰

一作此生還

似籠中鶴東望滄溟

一作瀛洲叫數

一作聲

題明霞臺

野人本自不求名
欲向山中過一生
莫嫌憔悴無知己

別有煙霞似弟兄

哭絢法師

楚客停撓欲問誰
白沙江草麴塵絲
生公手種殿前樹
唯有花開鷓鴣悲

送柳宜城葬

鳴笳已逐春風咽
匹馬猶依舊路嘶
遙望柳家門外樹
恐聞黃鳥向人啼

宮詞五首

禁柳煙中聞曉烏風吹玉漏盡銅壺內官先向蓬萊殿
金合開香瀉御鑪

玉樓天半起笙歌風送宮嬪笑語和月殿影開聞夜漏

水精簾卷近銀河

一作秋

河

玉階容衛宿千官風獵青旂曉仗寒侍女先來薦瓊藥
露漿新下九霄盤

九重天樂降神仙步舞分行踏錦筵嘈噴一聲鐘鼓歇
萬人樓下拾金錢

金吾持戟護新簷
天樂聲傳萬姓瞻
樓上美人相倚看
紅妝透出水精簾

尋桃花嶺潘三姑臺

桃花嶺上覺天低
人上青山馬隔溪
行到三姑學仙處
還如劉阮二郎迷

夜中望仙觀

日暮銜花飛鳥還
月明溪上見青山
遙知玉女窗前樹
不是仙人不得攀

送李侍御往吳興

一題作送李侍郎從宣
城取洞庭路往吳興

世間只

一作唯

有情難說今夜應無不醉人若向洞庭山

下過暗知澆瀝聖姑神

奉和韓晉公晦日呈諸判官

一本無
下四字

江南無處不聞歌晦日中軍樂更多不是風光催柳色
却緣威令動陽和

子規

杜宇冤亡積有時年年啼血動人悲若教恨魄皆能化

何樹何山着子規

海鷗詠

萬里飛來為客鳥，曾蒙丹鳳借枝柯。
一朝鳳去梧桐死，滿目鷗鳶奈爾何。

贈韋清

一作青

將軍

身執金吾主禁兵，腰間寶劍重橫行。
接輿亦是狂歌者，

更就將軍乞一聲。

青善歌

贈僧二首

家住義興東舍溪溪邊
莎草雨無泥上人一向心入定
春鳥年年空自啼

出頭皆是新年少何處能容老病翁
更把浮榮喻生滅
世間無事不虛空

登樓望水

鳥啼花發柳含煙
擲却風光憶少年
更上高樓望江水
故鄉何處一歸船

湖中

一作洞庭秋日

青草湖邊日色低黃茅嶂裏鷓鴣啼丈夫飄蕩今如此
一曲長歌楚水西

歲日作

一作歲日口號

不覺老將春共至更悲攜手幾人全還丹寂寞羞明鏡
手把屠蘇讓少年

山中贈客

山中好處無人別澗梅偽作山中雪野客相逢夜不眠
山中童子燒松節

王郎中妓席五詠

筵篋

玉作搔頭金步搖
高張苦調響連宵
欲知寫盡相思夢
度水尋雲不用橋

舞

汗浥新裝畫不成
絲催急節舞衣輕
落花遶樹疑無影
回雪從風暗有情

歌

一作王郎
中席歌妓

柳拂青樓花滿衣能歌宛轉世應稀
空中幾處聞清響
欲遶行雲不遣飛

箏

秦聲楚調怨無窮隴水胡笳咽復通
莫遣黃鶯花裏轉
參差撩亂妬春風

笙

欲寫人間離別心須聽鳴鳳似龍吟
江南曲盡歸何處
洞水山雲知淺深

送李山人還玉溪

好鳥共鳴臨水樹
幽人獨欠買山錢
若為種得千竿竹
引取君家一眼泉

送少微上人還鹿門

少微不向吳中隱
爲箇生緣在鹿門
行入漢江秋月色
襄陽耆舊幾人存

宿昭應

武帝祈靈太乙壇
新豐樹色繞千官
那一作知今夜長

生殿獨閉山門

一作空山

月影寒

題琅邪上方

東晉王家在

一作住

此溪南朝樹色隔窗低碑沈字滅昔

人遠谷鳥猶向寒花啼

安仁港口望仙人城

樓臺采翠遠分明聞說仙家在此城欲上仙城無路上
水邊花裏有人聲

寄秘書包監

一別長安路幾千
遙知舊日主人憐
賈生只是三年謫
獨自無才已四年

小孤山

古廟楓林江水邊
寒鴉接飯雁橫天
大孤山遠小孤出
月照洞庭歸客船

送李秀才遊嵩山

嵩山石壁掛飛流
無限神仙在上頭
采得新詩題石壁
老人惆悵不同遊

從剡溪至赤城

靈溪宿處接靈山
窈映高樓向月閒
夜半鶴聲殘夢裏
猶疑琴曲洞房間

葉上題詩從苑中流出

花落深宮鶯亦悲

一作愁見鶯啼柳絮飛

上陽宮女斷腸時
君恩

不閉東流水
葉上題詩寄與

一作欲寄誰

崦裏桃花

崦裏桃花逢女冠
林間杏葉落仙壇
老人方授上清籙

夜聽步虛山月寒

聽子規

一本題上有
攝山二字

棲霞山中子規鳥口邊血出啼不了山僧後夜初出

一作

入定聞似不聞山月曉

竹枝曲

一作
詞

帝子蒼梧不復歸洞庭葉下荆

一作
楚

雲飛巴人夜唱竹

枝後腸斷曉猿聲漸稀

尋僧二首

方丈玲瓏花竹閒
已將心印出人間
家家門外長安道
何處相逢是寶山

彌天釋子本高情
往往山中獨自行
莫怪狂人遊楚國
蓮花只在淤泥生

桃花曲

魏帝宮人舞鳳樓
隋家天子泛龍舟
君王夜醉春眠晏
不覺桃花逐水流

贈遠

暫出河邊思遠道却來窗下聽新鶯故人一別幾時見
春草還從舊處生

早春思歸有唱竹枝歌者坐中下淚

渺渺春生楚水波楚人齊唱竹枝歌與君皆是思歸客
拭淚看花奈老何

送郭秀才

故人曾任丹徒令買得青山擬獨耕不作草堂招遠客
却將垂柳借啼鶯

宮詞

長樂宮連上苑春
玉樓金殿豔歌新
君門一入無由出
唯有宮鶯得見人

悼稚

稚子比來騎竹馬
猶疑只在屋東西
莫言道者無悲事
曾聽巴猿向月啼

山僧蘭若

絕頂茅菴老此生
寒雲孤木伴經行
世人那得知幽徑

遙向青峰禮磬聲

句

崦合桃花水窗鳴柳谷泉

題柳谷泉見
應天府志

顏垣化為陂

陸地堪乘舟

以下並見張
為主客圖

汀洲渺渺江籬短疑是疑

非兩斷腸

巫峽朝雲暮不歸洞庭春水晴空滿 龍

吟四澤欲興雨鳳引九雛警宿鳥

七星管
歌通典

新婦磯邊

月明女兒浦口潮平

漁父詞野
客叢談

御定全唐詩卷二百六十七